

The letters of Sinan Bassa chiefe counsellour to Sultan Murad
Can the Grand Signior, to the sacred Maiestie of Elizabeth
Queene of England, shewing that vpon her request, and
for her sake especially, hee graunted peace vnto the King
and kingdome of Poland.

GLoriosissima et splendore fulgidissima foeminarum, selectissima
Princeps magnanimorum IESVM sectantium, regni inclyti Angliæ
Regina Serenissima Elizabetha, moderatrix rerum et negotiorum
omnium plebis et familiæ Nazarenorum sapientissima; Origo
splendoris et gloriæ dulcissima; nebes pluuiarum gratissima,
heres et domina beatitudinis et gloriæ regni inclyti Angliæ; ad
quam omnes supplices confugiunt, incrementum omnium rerum
et actionum Serenitatis vestræ beatissimum, exitusque foelicissimos
à Creatore omnipotente optantes, mutuæque et perpetua famili-
aritate nostra digna vota et laudes sempiternas offerentes:
Significamus Ser. vestræ amicissimè; Quia sunt anni aliquot, à
quibus annis potentissima Cæsarea celsitudo bella ineffabilia cum
Casul-bas, Principe nempe Persarum gessit; ratione quorum
bellorum in partes alias bellum mouere noluit, ob camque causam
in partibus Poloniæ latrones quidam Cosaci nuncupati, et alij
facinosi in partibus illis existentes, subditos Cæsaris potentissimi
turbare et infestare non desierunt. Nunc autem partibus Persicis
compositis et absolutis, in partibus Poloniæ et alijs partibus
exurgentes facinosos punire constituens, Beglerbego Græciæ
exercitu aliquo adiuncto, et Principi Tartarorum madato Cæsaris
misso, anno proximè præterito pars aliqua Regni Poloniæ infestata,
turbata et deuastata fuit, et Cosaci alijq; facinosi iuxta merita
sua puniti fuerunt. Quo rex Poloniæ viso duos legatos ad
Cæsaream celsitudinem mittens, quod facinosos exquirere, et
pœna perfecta punire, et ab annis multis ad portam Cæsareæ
celsitudinis missum munus augere vellet, significauit. Cæsarea
autem celsitudo (cui Creator omnipotens tantam suppeditauit
potentiam, et quæ omnes supplices exaudire dignata est) supplica-
tione Regis Poloniæ non accepta, iterum in regem Poloniæ
exercitum suum mittere, et Creatoris omnipotentis auxilio regnum
eius subuertere constituerat. Verum Legato Serenitatis vestræ
in porta beata et fulgida Cæsareæ celsitudinis residente sese
interponente. Et quod Serenitati vestræ ex partibus Poloniæ,
fruges, puluis, arbores nauium, tormenta, et alia necessaria sup-